



SALAH seorang penduduk Bukit Kuda, Mustaffa Tangkim gembira mendapat pemeriksaan dan cermin mata percuma.

Warga Bukit Kuda terima cermin mata percuma

LABUAN - Seramai 48 orang warga Kampung Bukit Kuda dan kampung-kampung berdekatan menerima cermin mata secara percuma dalam satu majlis anjuran Spectruck Sdn. Bhd. dengan kerjasama Yayasan Wilayah Persekutuan (YWP) serta Perbadanan Labuan yang diadakan di Balai Raya Bukit Kuda baru-baru ini.

Pakar Optik, Mohammad Halyasri Mohd. Yassim yang terlibat secara langsung dalam program ini berkata, pemeriksaan dan pemberian cermin mata dilakukan secara percuma kepada

pelajar dan warga emas di seluruh Labuan.

Ujarnya, program itu bertujuan untuk meringankan beban perbelanjaan keluarga serta meningkatkan kualiti hidup pelajar.

"Di samping itu, program ini dapat membantu warga emas memperoleh penglihatan yang lebih baik," ujarnya.

Dalam pada itu, warga Kampung Bukit Kuda berharap bantuan seperti itu akan terus dilaksanakan setiap tahun sejajar dengan slogan 'Mataku, Harapanku'.